

Sebanyak 271 pasangan pengantin bersanding serentak di TTI, Kuala Terengganu

Persandingan paling ramai

Oleh MOHD. AZLI ADLAN

KUALA TERENGGANU – Seramai 271 pasangan pengantin dari seluruh Terengganu bersanding secara serentak di Taman Tamadun Islam (TTI) di sini semalam yang dikira sebagai majlis persandingan pengantin paling ramai oleh *Malaysia Book of Records*.
Terdahulu menerusi program Keluarga Generasi Transformasi Terengganu Baharu (TTB): Perkahwinan Perdana itu, seramai 70 pasangan pengantin dari daerah ini dan Kuala Nerus dinikahkan di Masjid Kristal, TTI pada pukul 8.30 pagi manakala selebihnya telah melangsungkan pernikahan di daerah masing-masing kelmarin.

Menteri Besar Terengganu, Datuk Seri Ahmad Razif Abd. Rahman berkata, program tahunan yang kali kedua dianjurkan tersebut merupakan tanda keprihatinan kerajaan negeri untuk membantu golongan muda dan meringankan beban ahli keluarga mereka mengadakan majlis perkahwinan.

"Pasangan pengantin terbabit terdiri daripada penduduk negeri ini yang berusia dalam lingkungan



SEBAHAGIAN daripada 271 pasangan pengantin bergambar beramai-ramai pada majlis resepsi program Keluarga Generasi TTB: Perkahwinan Perdana 2017 di TTI, Kuala Terengganu semalam.

18 hingga 35 tahun, pertama kali berkahwin, tiada rekod jenayah dan masalah kesihatan serta pendapatan pasangan RM5,000 ke bawah.

"Mereka menerima satu set peralihan, pakej set persandingan, pakej bulan madu tiga hari dua malam, Sijil Premium Bank Simpanan Nasional bernilai RMI,000 dan jempu-

tan jamuan seramai 50 orang bagi setiap pasangan," katanya selepas merenjis mawar sebahagian pasangan pengantin berkenaan di sini semalam.

Turut hadir Pengerusi Jawatankuasa Kesihatan, Pembangunan Wanita, Keluarga dan Masyarakat negeri, Roslee Daud.

Stesen kereta api London diserang

KERATAN Kosmo! semalam.

Tiada rakyat Malaysia terlibat

KUALA LUMPUR – Setakat ini tiada rakyat Malaysia dilaporkan terlibat dalam kejadian letupan di stesen kereta api Parson Green di London yang mencederakan 22 orang pada Jumaat lalu.

Dalam satu kenyataan semalam, Wisma Putra berkata, Malaysia mengutuk sekeras-kerasnya kejadian itu yang disifatkan sebagai serangan pencecut.

"Kementerian sedang memantau rapi situasi ini dan Suruhanjaya Tinggi Malaysia di London sentiasa berhubung dengan pihak berkuasa tempatan," demikian menurut kenyataan itu.

Wisma Putra turut menasihati rakyat Malaysia berhubung dengan suruhanjaya tinggi di alamat 52, Bedford Row, London WC1R1 atau melalui telefon +44 (0) 2072424308 atau e-mel mulondon.ktm@govuc.gov.my untuk pertanyaan lanjut.